



Centrale Bank van Curaçao en Sint Maarten

Mantené kontrol di bo finansas durante di krísis di corona.



Pa esnan ku tin ménos entrada pa motibu di e krísis di corona, problema finansiero ta un posibel peliger. E ta yuda pa traha un presupuesto i pa adaptá esaki na tempu conforme bo situashon nobo. Pa medio di 6 stap bo por haña un bon bista di bo situashon aktual i ki akshon bo por tuma pa manehá un presupuesto balansá.

Stap 1..... **Skibi tur bo entradanan i gastunan**

E ta importante pa haña un bista lihé kon bo ta pará finansieramente i pa konfirmá si bo por kumpli ku tur bo compromisonan na tempu. Traha un presupuesto (den Excel) di bo entradanan mensual i gastunan manera nan ta aktualmente. A base di esaki bo ta haña un bista di e gravedat di e situashon i bo por tuma e pasonan nesario. Riba e wèpsait di CBCS tin un ehèmpel di un presupuesto.

Stap 2..... **Wak na unda bo por redusí gastu fásil**

Tin gastu ku bo por redusí a korto plaso? Gastunan di bibienda (hür, hipotek, impuestonan) ta gastunan fiho ku no por redusí fásil. Pero si tin gastunan ku bo por manehá:

- komestibel. Limitá e kantidat di bishita na supermerkadu. Kada bishita ta un tentashon pa kumpra kos èkstra. Tuma nota di ofertanan i tira bista riba marka. Markanan barata hopi biaha ta mas abou den e rèki.
- suskripsyon. Tin suskripsyon (por ehèmpel servisionan di pelíkula) ku bo no tin mester di dje nesariamente? Wak kiko bo por kanselá.
- utilidatnan. Sea konsiente di bo uso di awa i koriente. Splika bo yunan esaki pa nan tambe ta konsiente i ta yuda ku esaki.

Tambe bo por posponé kompranan mas grandi, kompranan di paña i kompranan den eksterior.

Step 3..... **Antisipá algun luna pa dilanti**

Awor ku bo tin un bista di bo entrada i gastunan mensual, bo por antisipá bo presupuesto di e lunanan benidero. Esaki pa motibu ku algun luna ta mas karu ku otro. Tene kuenta ku gastunan manera primanan di seguro, plachi number i gastunan mará na aña eskolar nobo. Pone sèn un banda tur luna pa asina bo por tin e fondonan nesario pa kumpli ku e compromisonan ora nan presentá.

Stap 4..... **Buska solushon ora problema di pago surgi**

Si bo ta antisipá problema di pago di bo compromisonan fiho, manera gastunan di bibienda i fianza, pensa bon riba ki solushon bo mes por haña pa esaki.

- Bo por keda sin spar pa un tempu?
- Bo tin un tiki sèn riba bo kuenta di spar ku bo por usa?

Stap 5..... **Pidi si bo por haña ekstenshon di pago**

Si di bèrdat bo no por paga bo kuantanan na tempu i bo ta premirá ku bo lo tin pagonan atrasá, no keda warda pero tuma akshon. Si bo no hasi esaki bo por haña bo ku but i bo problemanan finansiero por bira mas grandi. Tuma kontakto ku e kompanianan konserní. Yama nan òf manda un e-mail pa splika bo situashon i pidi si bo por bin na remarke pa un areglo di pago.

